



玉函山房輯佚書

□ 11  
1236  
72

七十二



1236

門  
種 1236  
卷 42



田十一卷周田駢撰駢齊人與慎到接子環淵皆學  
黃老之術皆有所論附見史記孟子荀卿列傳漢志  
道家田子二十五篇注名駢齊人遊稷下號天口駢  
隋唐志皆不著錄佚已久茲從呂氏春秋輯得佚說  
三篇其一篇與淮南子所引互有詳畧異同參訂校  
補並附考爲卷其說變化應求而皆有章因性任物  
而莫不宜當始尸子所謂田駢貴均者邪歷城焉國  
翰竹吾甫

田子

周田駢撰

田駢以道術說齊王王應之曰寡人所有者淮南子無者字

齊國也道術難以除患呂氏春秋引無此句據淮南子補願聞齊淮南

子無國之政田駢對曰臣之言無政而可以得淮南子作

為政譬之若林木無材而可以得淮南子作材願王察

其所謂而自取齊國之政焉呂氏春秋作願王之駢

猶淺言之也博言之豈獨齊國之政哉變化應求而

皆有章因性任物而莫不宜當彭祖以壽三代以昌

田子

一 嫗媛館補校

五帝以昭神明以鴻呂氏春秋引至此已雖無除其患害天

地之間六合之內可陶冶而變化也齊國之政何足

問哉此老聃之所謂無狀之狀無物之象者也淮南子引

連自取齊國之政焉下呂氏春秋執一篇淮南子道應訓並引此節詳畧不同互參訂補

田駢謂齊王曰孟賁庶乎患術而邊境弗患楚魏之

王辭言不說而境內已修備矣兵士已修用矣得之

衆也呂氏春秋用衆篇

客有見田駢者被服中法進退中度趨翔閑雅辭令

遜敏田子聽之畢而辭之客出田駢送之以目弟子

謂田駢曰客士與田駢曰殆乎非士也今者客所弁

斂士所術施也士所弁斂客所術施也客殆乎非士

也故火燭一隅則室偏無光骨節蚤成空竅哭歷身

必不長衆無謀方乞謹視見多故不良志必不公不

能立功好得惡子國雖大不爲王禍災日至故君子

之容純乎其若鍾山之玉桔乎其如陵上之木淳淳

乎慎謹畏化而不肯自足乾乾乎取舍不說而心甚

素樸呂氏春秋土容篇

附錄

慎到趙人田駢接子齊人環淵楚人皆學黃老道德

之術

史記孟子荀卿列傳

田子二十五篇名駢齊人游稷下號天口駢

漢書藝文志

公而不黨易而無私決然無主趣物而不兩不顧於慮不謀於知於物無擇與之俱往古之道術有在於此者彭蒙田駢慎到聞其風而悅之齊萬物以為首

莊子雜篇天下

慎到之道非生人之行而至死人之理適得怪焉田

駢亦然學於彭蒙得不教焉同上

田子貴均子尸

陳駢貴齊齊死生等古今也呂氏春秋不  
二篇高誘注

齊人見田駢曰聞先生高議設為不宦而願為役田  
駢曰子何聞之對曰臣聞之鄰人之女田駢曰何謂  
也對曰臣鄰人之女設為不嫁行年三十而有七子  
不嫁則不嫁然嫁過畢矣今先生設為不宦費養千  
鍾徒百人不官則然矣而富過畢矣田子辭戰國策  
齊策

老萊子一卷周楚老萊子撰史記老子列傳云老萊  
子亦楚人也著書十五篇言道家用脩道而養壽  
也漢志道家老萊子十六篇注楚人與孔子同時隋  
唐志皆不著錄書佚已久茲從莊子孔叢子尸子皇  
甫謚高士傳輯得四節附考為卷家宛斯先生釋史  
云以矜知規仲尼以齒舌喻剛柔老聃之說也國策  
稱老萊子教孔子事君而孔叢則云語子思若至穆  
公之世萊子猶在其壽亦長矣史記附老萊子於老  
子列傳之內將疑為二人乎抑兩人耶何其言之相

老萊子

序

一 嫻館補校

同也翰案史記云老萊子亦楚人明與老子同國孫綽遊天台山賦躡二老之元蹤注二老老子老萊子也二老道同故以之合傳矜知規仲尼以莊子引之自是老萊語後人誤為老聃國策或謂齊黃引老萊子教孔子事君但言孔子亦即指子思非仲尼也穆公時老萊猶存此所以稱壽者與歷城馬國翰竹吾甫

老萊子

周 楚老萊子 撰

老萊子之弟子出薪遇仲尼反以告曰有人於彼脩上而趨下末僂而後耳視若營西海不知誰氏之子老萊子曰是邱也名而來仲尼至曰邱去汝躬矜與汝容智斯為君子矣仲尼揖而退蹙然改容而問曰業可得而進乎老萊子曰夫不忍一世之傷而驚萬世之患抑固窶邪亡其略有弗及耶惠以歡為驚終身之醜中民之行進焉耳相引以名相結以隱與其

老萊子

一 嫻媛館補校



譽堯而非桀不若兩忘而閉其所譽反無非傷也動  
無非邪也聖人躊躇以興事以每成功奈何哉其載  
焉終矜爾莊子外物篇

子思見老萊子老萊子聞穆公將相子思老萊子曰  
若子事君將何以爲乎子思曰順吾性情以道轉之  
無死亡焉老萊子曰不可順子之性也子性剛而傲  
不肖又且無所死亡非人臣也子思曰不肖固人之  
所傲也事君道行言聽何所死亡道不行言不聽則  
亦不能事君所謂無死亡也老萊子曰齒堅易蔽舌

柔常存子思曰吾不能爲舌故不能事君孔叢子抗

國策或謂齊黃曰公不聞老萊子之教孔子事君乎示之以齒之堅也六十而盡相靡也

人生天地之間寄也寄者同歸也古者謂死人爲歸

人其生也存其死也亡尸子引老萊子

老萊子曰鳥獸之毛可績而衣其遺粒足食也皇甫謐高

士傳

老萊子

二 嫻媛館補校


附錄

孔子曰德恭而行信終日言不在九之內在九之外  
國無道處賤不問貧而能樂蓋老萊子之行也

大戴禮記

衛將軍文子篇史記索隱引有國無道二句

老萊子者亦楚人也著書十五篇言道家用脩道

家之用脩道而養壽也

史記老子列傳

老萊子古之壽者

劉向七略別錄

老萊子孝養二親行年七十作嬰兒自娛著五采嫵爛衣裳取漿上堂跌仆因卧地為小兒啼或弄鸚鵡

老萊子

附錄

三 如 媛 館 補 校

於親側

後漢書注  
引列女傳

老萊子者楚公室亂逃世耕于蒙山之陽蓬蒿爲室  
 杖於牀飲水食菽墾山播種人或言於楚王王於  
 是駕至萊子之門萊子方織畚王曰守國之政孤願  
 煩先生老萊子曰諾王去其妻樵還日子許之乎老  
 萊子曰然妻曰妾聞之可食以酒肉者可隨而鞭棰  
 可擬以官祿者可隨而鈇鉞妾不能爲人所制者妻  
 投其畚而去老萊子亦隨其妻至於河南以萊子爲  
 老萊子人莫知其所終也

皇甫謐  
高士傳

黔婁子一卷周黔婁先生撰皇甫謐高士傳云黔婁  
 先生齊人也脩身清節不求諸侯又言著書四篇言  
 道家之用號黔婁子漢藝文志道家黔婁子四篇注  
 齊隱士守道不詘威王下之廣韻去聲十九候婁字  
 注引漢藝文志有贛婁子著書黔作贛與今漢志文  
 異其書隋唐志皆不著目佚已久諸家亦無引述之  
 者惟曹氏庭棟搜採孔子及羣弟子言行仿薛據孔  
 子集語作逸語中引黔婁子述聖言一節記原憲事  
 一節所據之書當爲不傳秘本旣不可攷姑依錄之

並附考爲卷云歷城馬國翰竹吾甫


黔婁子

周 黔婁先生 撰

子曰言之善者在所日聞行之善者在所能爲

曹庭棟逸

語引黔婁子

原憲居陋巷子貢方相於衛結駟聯鑣訪憲焉憲攝  
微衣子貢曰夫子病邪憲曰憲聞德義不修謂之病  
無財謂之貧也非病也子貢恥其言終身不敢復見

**憲**

同上引黔婁子案此節韓詩外傳卷一劉向新  
序卷七史記仲尼弟子列傳无能子皇甫謐高士

傳皆引之文句小異茲引作黔婁  
子在五家書前當是原出處也

黔婁子

一 鄭僊館補校

附考

黔婁先生者齊人也修身清節不求進諸侯魯恭公  
 聞其賢使致禮賜粟三十鍾欲以為相辭不受齊王  
 又禮之以黃金百斤聘以為卿又不受著書四篇號  
 黔婁子終身不屈以壽終

皇甫謐  
高士傳

鄭長者書一卷周鄭撰人姓名缺漢志道家鄭長者  
一篇注六國時先韓子韓子稱之師古曰別錄云鄭  
人不知姓名隋唐志皆不著錄書佚已久韓非子外  
儲說引一則是佚篇中語據錄以存一家說主虛無  
無見深探道旨不且隱合禪宗乎歷城馬國翰竹吾  
甫

鄭長者書一卷周鄭撰人姓名缺漢志道家鄭長者  
一篇注六國時先韓子韓子稱之師古曰別錄云鄭  
人不知姓名隋唐志皆不著錄書佚已久韓非子外  
儲說引一則是佚篇中語據錄以存一家說主虛無  
無見深探道旨不且隱合禪宗乎歷城馬國翰竹吾  
甫

鄭長者書 一 序 一 鄭國館補校

鄭長者書

周 鄭長者 撰

田子方問唐易鞠曰弋者何慎對曰烏以數百目視  
 子子以二目御之子謹周子廩田子方曰善子加之  
 弋我加之國鄭長者聞之曰田子方欲知廩而未得  
 所以為廩夫虛無無見者廩也

韓非子  
外儲說

任子道論一卷魏任嘏撰嘏字紹先一作照先樂安博昌人官至河東太守附見魏志王昶傳裴松之注引嘏別傳敘述甚詳別傳謂著書三十八篇凡四萬餘言隋家道家任子道論十卷魏河東太守任嘏撰唐志同又別有任嘏顧道士論三卷馬總意林亦載任子十卷於人物志三卷後注云名奕考諸史志無任奕著書之目奕蓋嘏之訛也今其書佚意林載十卷又從北堂書鈔初學記太平御覽輯得九節參互考訂並附別傳爲卷初學記引作任嘏道德論他



七十卷三十三  
皆引作任子茲依隋唐志題任子道論既訂名奕之  
訛因改題魏任叡焉歷城馬國翰竹吾甫

任子道論

魏 任叡 撰

學所以治己教所以治人不勤學則無以為智不勤

教則無以為仁

馬總意林卷五引上二句 太平御覽卷六百十三引有下四句

喜能歌舞怒能戰鬥

意林卷五

一人之智不如衆人之愚一目之察不如衆目之明

同上

生于治長于治知世之所以治者君子也生于亂長  
于亂知世之所以亂者君子也若不知治亂之所因

者凡民也上同

道德之懷民猶春陽之柔物也御覽有也字履深冰而不

寒結木條而不折意林卷五 太平御覽卷四百三

天之圓也不中規地之方也不中矩意林卷五

山必有阜河必有曲江漢東流必有迴復

直木無陰直士無徒是以賢人直士常不容于世

登泰山見天下之大不察細微者視遠故也處高位

知人主之貴不卹卑賤者意滿故也

治己審則可以治人治人審則可以治天下累世一

聖是繼踵千里一賢是比肩

水可乾而不可奪温火可滅而不可奪熱金可柔而

而不可奪重石可破而不可奪堅

諺云富不學奢而奢貧不學儉而儉人情皆然唯聖

人能節之並同上

木氣人勇金氣人剛火氣人強而躁土氣人智而寬

水氣人急而賊意林卷五 太平御覽卷三百六十

神龍不處網罟之水鳳凰不翔罽羅之鄉賢人不入

危國智者不輔亂君意林卷五

蕭何守文法曹參務無苛相繼作相天下獲安

武帝輕人命重武功飾宮室厚賦斂土地益廣德惠

彌狹

桓譚云王者易輔霸者難佐

並同上

古之公也篤今之公也薄

虞世南北堂書鈔卷三十七

太王不務私其身不外其民故曰百姓之身猶吾身

也為戎翟之病棄國之富杖策而去

同上

有黃金則鑰石

缺一字

有明珠則魚目濶故一真起而

萬偽動一利立而萬詐生

北堂書鈔卷九十九

善陣者徒衆整一如列宿之部伍周迴如山岳之盤

是陣之體也

北堂書鈔卷一百一十七

夫賢人者至德以為己心行道以為己任處則不求

私名仕則不求私寵不為其身不阿其君積禮義於

朝播仁風於民使天下之人翼翼焉向戴其君之尊

欣欣焉歌舞其君之德

徐堅初學記卷十七引任昉

於朝播仁風於野使天下欣欣然歌舞其德文句

脫略不全 太平御覽卷四百二引任子此節差

具完

鳳為羽族之美麟為毛類

初學記作蟲 據御覽訂

之俊龜龍為

介蟲之長梗楠為眾材之最是物之貴也

初學記卷三十太

平御覽卷九百十五

日月為天下眼目人不知德山川為天下衣食人不

能謝

太平御覽卷三 文選陸士衡演連珠李善注引上二句無為字

以義事主不私其己以仁接人不謀其欲火佚焚家

家不罪火食過傷人人不罪食以其積之於仁義無

私害也伊尹放太甲太甲無怨心管仲黜伯氏伯氏

無怨言以其積之於公正無私惡也

太平御覽卷四百二十九

丹淵之珠沉於黃泥

太平御覽卷八百三

附錄

嘏字紹先樂安博昌人世為著姓夙智早成故鄉人

為之語曰蔣氏翁任氏童父旌字子旃以至行稱漢

末黃巾賊起天下饑荒人民相食寇到博昌聞旌姓

字乃相謂曰宿聞任子旃天下賢人也今雖作賊那

可入其鄉邪遂相帥而去由是聲聞遠近州郡并招

舉孝廉歷酸棗祝阿令嘏八歲喪母號泣不絕聲自

然之哀同於成人故幼以至性見稱年十四始學疑

不再問三年中誦五經皆究其義兼包羣言無不綜

覽於時學者號之神童遂遇荒亂家貧賣魚會官稅  
 魚魚貴數倍蝦取值如常又與人共買生口各僱八  
 匹後生口家來贖時價值六十匹其買者欲隨時價  
 取贖蝦自取本價八匹其買者慙亦還取本價比居  
 者擅耕蝦地數十畝種之人以語蝦蝦曰我自以借  
 之耳耕者聞之慙謝還地及邑中爭訟皆詣蝦質之  
 然後意厭其子弟有不順者父兄竊數之曰汝所行  
 豈可令任君知邪其禮教所化率皆如此會太祖創  
 業召海內至德蝦應其舉為臨菑侯庶子相國東曹

屬尚書郎文帝時為黃門侍郎每納忠言輒手書懷  
 本自在禁省歸書不封帝嘉其淑慎累遷東郡趙郡  
 河東太守所在化行有遺風餘教蝦為人淳粹凱悌  
 虛己若不足恭敬如有畏其修身履義皆沈默潛行  
 不顯其美故時人少得稱之著書三十八篇凡四萬  
 餘言蝦卒後故吏東郡程威趙國劉固河東上官崇  
 等錄其事行及所著書奏之詔下祕書以貫羣言

王昶傳裴松之注引蝦別傳 太平御覽卷四百  
 三又卷四百二十六又卷四百三十並引任蝦別  
 傳較裴注為略裴注脫字紹  
 先三字據御覽補一作照先

洞極真經序

魏 闕朗 撰

朗業儒蓄書積數世矣自六代祖淵會鼎國之亂徙  
 家於汾河所藏之書散逸幾盡其秘而存者唯洞極  
 真經而已六世祖嘗謂家人曰洞極真經聖人之書  
 也吾後數世當有賢者生如得其用功不下於稷契  
 倘不時偶其顏淵之流乎是經之蘊當可明也朗幸  
 生其族得聞遺言於祖父敢不勉勉以發揚先祖之  
 意乎因伏讀累年思以傳次然而性蒙識泥不能洞

遠聞崆峒山有稭先生者世之異人也故往師焉至之幾歲孜孜焉未嘗敢廢弟子之禮一日齋戒盥浴發卷以請其蘊先生乃掩卷而歎曰此天地之樞機聖人之壺奧也潛而不傳也久矣子孰從而得之則具以先祖之言告先生因爲朗著翼以明其大端作則以指諸人事於是洞極之義煥然可詳朗旣得而歸有頃聞先生已飛昇矣嗚呼聖人之言將假先生而視諸人耶將不可使下民知之耶何先生之傳而不留矣朗以爲天以先生而啓之而不可以先生盡

之使書之者其非朗乎因以先生之翼則附於經又編其遺言爲洞極論凡十一篇復作傳以釋其蘊爲圖以序其爲庶乎來者知洞極之道焉時太和末年正月上休日序



洞極真經

魏 關朗 撰

生傳第一

三生式生式生洪明正一式冥虛傳曰冥物始生也一  
 式形虛為傳曰形虛為質始成也一式罔不利傳曰  
 罔不利濟於用也翼曰陽秉日生洪哉大也明哉正  
 哉極也惟生故能大盛而極焉則曰聖人以化育天

下胡一桂啓蒙翼傳外篇

次萌息華茂止安燁實通九傳佚



資傳第二

三資式資資天生地育而人資翼曰取天地之道曰  
 資觀其資三極之情可見矣則曰聖人以順天地而  
 創法立制三式資其象以制服器傳曰資其象制服  
 器也三式資其器以闢田里以興地利傳曰資其器  
 興地利也三式資其用以化育兆姓傳曰資其用化  
 育兆姓其道大也

次用達興素悖靜平序通九傳佚

育傳第三

三育式育育洪明翼曰陰能成陽之生日育育則洪  
 洪然後正則曰君子以承君闡化以育兆姓二式女  
 子育於家正藏傳曰女子育於家育在內也不正則  
 否正乃臧也二式乃蟄乃萌育於田傳曰乃蟄乃萌  
 育於田也二式利用獲傳曰利用獲育道成也

次和塞作煥幾抑冥通通九傳佚

敘本論前圖

生三興三達三實三萌三通三茂三息三抑三  
 煥三華三幾三安三育三靜三序三止三冥三

燁三素三用三和三悖三塞三作三平三資三  
 子曰河圖之文七前六後八左九右聖人觀之以畫  
 八卦是故全七之三以為離奇以為巽全八之三以  
 為震奇以為艮全六之三以為坎奇以為乾全九之  
 三以為兌奇以為坤正者全其位偶者盡其畫易曰  
 四象生八卦其是之謂乎洛書之文九前一後三左  
 七右四前左二前右八後左六後右後聖稽之以為  
 三象是故一為生之式四為生之式七為生之式二  
 為育之式五為育之二八為育之式三為資之式六

為資之式九為資之式因而變以成七十有二為

明變論 並圖

生三煥三實三興三燁三茂三達三序三和三  
 資三抑三用三作三具三塞三平三通三幾三  
 育三萌三華三安三悖三止三靜三息三素三  
 三生之象育乘其式而為煥二乘其式而為實二乘  
 其式而為興三資乘其式而為燁三式而為茂三式  
 而為達三育式資式而為序三育式資式而為和三  
 三育之為生乘其式而為萌三式而為燁三式而為

安三資乘其式而為悖三式而為止三式而為靜三  
 生式資式而為息三生式資式而為紊三  
 三資之為生乘其式而為抑三式而為用三式而為  
 作三育乘其式而為冥三式而為塞三式而為平三  
 生式育式而為通三生式育式而為幾正三此之謂  
 變為之道也

極數

子曰天一地二人三天四地五人六天七地八人九  
 三極之數四十五天十有二一四地有十五二五

有十八

三六

審其數而畫之三十有九則式

除天地人六數

外有三十九四十有二則式

除人三數外有四十有

四十二歸之地

四十有

五則式

洛書全數歸之於人

生之策百一十七

三畫計三十九

育之策

百二十六

三畫計四十二

資之策百三十五

三畫計四十五

遺其餘

則三百有六十當期之日

愚計三策之數不甚不合遺其餘七六五然後合三

百六十之數易計乾坤之策三顯真之道盡矣

原名

朗問曰經取極名之何謂也子曰形而上者謂之天  
 日月星辰皆天也形而下者為之地山川草木皆地

也命於其中者為之人戎狄禽魚皆人也酌其源則流可知矣視其表則影可見矣達於此者其知經之名乎

原德

子曰物无不受之謂洪物无不燭之謂明於物无欺之謂正君子體洪臨下明以脩性正以治德故曰洪明正

次為論 並圖

生三萌三息三華三茂三止三安三煥三實三

資三用三達三興三紊三悖三靜三平三序三

育三和三塞三作三渙三幾三抑三冥三通三

天地闢萬物生生必萌萌而後息息而後華華則茂物不終茂故所以止止然後安安則得其煥煥則實實則可以資矣資必有所用用然然達達則能興物不終興興久則紊紊則悖治悖莫若靜靜則平平則有序序則可以興育矣育然後和物不終和和久則塞決塞必有作作則渙渙則幾乎正矣至正必有抑抑則冥物不終冥故以通而終焉

並同上

唐子一卷吳唐滂撰滂字惠潤生吳太元二年見馬  
總意林注據本書言大晉應期一舉席捲云云則撰  
述之成定在吳亡入晉之後也隋唐志道家並有唐  
子十卷原書久佚意林載十九節又從北堂書鈔藝  
文類聚文選注太平御覽諸書採輯除已見意林者  
得佚說八節合訂一卷其書論政談兵不盡述道家  
之言然如所謂夫土有高世之名必有負俗之累有  
絕羣之節必嬰謗嗤之患其諸和光同塵而究意於  
大患在有身者乎宜其景慕韓終而抗喻元鶴也歷

唐子  
城馬國翰竹吾甫

七十卷四十六

唐子

吳唐滂撰

舟循川則游速人順路則不迷

馬總意  
林卷五

大木百尋根積深也滄海萬仞衆流成也淵智達洞

累學之功也

君子以道成冠以道成輿出門不冠則不敢行行非

輿則不可步

有父不能孝有兄不能敬而論人父子之義兄弟之

節猶彎弓而自射也

郎環館補交

人性苟有一孝則無所不包猶樹根一植百枝生焉

或問齊桓晉文優劣唐子答曰論功則桓兄而文弟

論德則文兄而桓弟並同上

大晉應期一舉席捲猶震霆摧枯千鈞壓卵無餘類

矣意林卷五 虞世南北堂書鈔 卷一百十七引猶震霆二句

人多患遠見百步而不自知眉頰知眉頰者復不能

察百步也意林卷五 太平御覽卷三百六十五脫也字又三百六十七引上二句

君子守真仗信遭時不容雖有訕辱之恥幽詭之謗

猶傷體毛耳意林卷五

鷹隼羣飛鳳凰遠遊小人成列君子深藏

諺曰脂粉雖多醜面不加膏澤雖光不可潤草

古人目短于自見故以鏡觀形心短于自治故以禮

自防

君子不以昏行易操不以夜昧一作寤易容

夫士有高世之名必有負俗之累有絕羣之節必嬰

謗嗤之患白骨擬象魚目似珠遙聽遠望無不亂也

禍福相轉利害相生如循環而運九耳其兆不可見

其端不可覺並同上

良將如山如淵人不知其感亦不知其歡

七十卷四十八  
意林卷五  
太平御

覽卷二百七十五引作良將  
如泉如山不知其歡感也

將勿離旗鼓師之耳目

意林卷五  
太平御覽卷三  
百三十八引作將勿離旗鼓

旗鼓將之  
耳目也

暴至之榮智者不居守財不施謂之錢奴

意林  
卷五

佐鬪者傷預事者亡

同上

聖人聞諫若甘味愚者聞諫若荼食

北堂書  
鈔卷九

將者專命千里總帥六師攻如雷擊戰如風行

北堂  
書鈔

卷一百  
十七

命相在天才智由人由人可學致在天無可冀

歐陽  
詢藝

文類聚卷  
二十一

暴主闇君不可生殺

文選陸士衡五  
等論李善注

君人者秉南面之尊操殺生之柄威如秋霜恩如春

養何求而不得何化而不從君人者當以江海為腹

山林為面當使觀者不知江海何藏山林何有則下

不知其量畏而懷之

太平御覽卷七十六引至山林  
何有又卷三百七十一引云人

君以江海為腹山為面則下不  
知其量畏而懷之末二句據補

猛將之發觀于虎而鑒于鷹故攻如擊電避如收霧

三

鄭煥館補校



閉之如在餅開之如散星太平御覽卷七百五十八

七十卷四十九

吾嘗會賓設樂天忽雲興繼以大雨有羣鷺成列飛

翔而過此偶爾何異元鶴二八也太平御覽卷九百十九

希見食筍歸煮竹根太平御覽卷九百六十二 陳耀文天中記卷五十三

仙人韓終即韓馮之兄為宋王採藥王不肯服之終

因服之遂得仙太平御覽卷九百八十四

蘇子

晉 蘇彥 撰

微生與婦人期不來水至抱梁柱而死歐陽詢藝文類聚卷九原

注或作尾生

車渠瑪瑙生於荒外今冀州之士曾未得其奇也文藝類聚卷八十四

類聚卷八十四

蜀郡鄧公呼吸成霧徐堅初學記卷二 太平御覽卷十五

行務應規步慮投矩文選陸士衡長安有狹邪行李善注

夫人生一代若朝露之託於桐葉耳其與幾何後漢書王

蘇子

一 娜嬛館補校

符傳章懷太子注  
太平御覽卷十二

夫帶方寸之印丈八之組戴貂鵲之尾建千丈之城

遊五里之衢走卒警蹕叫呼而行此諸侯之所謂榮

華時俗之所謂富貴也太平御覽卷四百六十九  
又卷九百二十四引脫遊五

里之衢四句 又卷六百八十  
引夫走卒四句叫作列貴作者

天子坐九重之內樹塞其門旒以翳明衡以隱聽

以抑馳太平御覽  
卷七十六

不食八珍何以知味之奇不為文學何以知世之資

太平御覽  
卷六百七

立君臣設尊卑杜將漸防未萌莫過乎禮哀王道傷

舊政莫過乎詩導陰陽示悔吝莫過乎易明善惡著

廢興吐辭令莫過乎春秋量遠近賦九州莫過乎尚

書和人情動風俗莫過乎樂治刑名審法度莫過乎

商韓載百王紀治亂莫過乎史漢孟軻之徒溷淆其

間世人見其才易登其意易過於是家著一書人書

一法雅人君子投筆硯而高視太平御覽  
卷六百八

房麗者趙之賢人立東門之外有行商車轄亡麗告

之不悟復更告商人怒曰吾轄自亡何須汝告惠加

蘇子

二 娜嬛館補校

於亡而反怒之吾欲比之草木草木有心矣

太平御覽卷七

百七十三

蘭以芳自燒膏以肥自熯翠以羽殃身蜂以珠破體

是以公孫賀得丞而啼泣知滿之有毀晨之有暮

北堂

書鈔卷九十九引無蘭以芳自燒膏以肥自熯三句太平御覽卷九百八十二引上四句有之據

補御覽蜂作蚌破體作致敗

象以牙喪身不能去其白薰以芳自燒不能去其香

太平御覽卷九百八十三

人而不學譬之視肉而食

史記李斯傳司馬貞索隱引莊子及蘇子

陸子一卷晉陸雲撰雲字士龍吳人官至清河太守

事蹟具晉書本傳傳稱所著文章三百四十九篇又

撰新書十篇並行於世隋唐志道家皆載陸子十卷

即新書也今佚初學記太平御覽引二節又裴松之

魏志注引陸氏異林一節記鍾繇事云叔父清河太

守說如此清河陸雲也陸氏蓋雲之猶子考陸機傳

二子蔚夏或其所作稱清河說定為新書中語又本

傳紀雲作新書下引路行遇王弼事云雲本無元學

自此談老殊進此作書之繇且文筆與異林所引同

陸子

序

一 婦媛館補校

亦陸子佚文也並採錄之陸佃埤雅引陸子乾鵲噪而行人至蜘蛛集而百事喜則西京雜記所載陸賈語不敢屏入云歷城馬國翰竹吾甫

陸子

晉 陸雲 撰

三皇垂策而五帝擊手唐虞按轡禹湯馳轅雖使周

公御衡仲尼促節固不己也徐堅初學記卷九 太平御覽卷七十六 陸

佃埤雅卷十 二引上四句

欲水之清則勿涉欲草之茂則勿獵太平御覽卷八百三十二

鍾繇嘗數月不朝鍾字據 御覽補 會意性異常 御覽八百十九引脫此句

或問其故云常有婦來美麗非凡御覽八百十九作常 問者

曰必是鬼物御覽八百八十七作故可殺之婦人後往不即前

陸子

一 婦嬈館補校

止戶外繇問何以日公有相殺意繇曰無此乃勤勤

呼之乃入繇意恨御覽八百十九無意恨二字八百八十七叠恨字有不忍

之心御覽無之字然猶斫御覽八百十九作斬之傷髀御覽八百十九作脚婦

人即出以新絲拭血竟路明日使人尋跡之御覽無之字

至一大冢木中有好婦人形體如生人著白練衫御覽

八百十九無衫字八百八十七無著字作白衣青絹衫丹繡襦褱御覽八百十九作兩當

傷左髀御覽八百八十七作一脚以襦褱御覽八百十九作兩當

中絲御覽八百十九作絹拭血魏志鍾繇傳裴松之注引陸氏異林此下有叔父清河太守說

如此清河陸雲也據補太平御覽卷八百十九又卷八百八十七並引陸氏異林與裴注小異

雲嘗行逗宿故人家夜暗迷路莫知所從忽望草中

有火光於是趣之至一家便寄宿見一年少美風姿

共談老子辭致深遠向晚辭去行十許里至故人家

云此數十里中無人居雲意始悟卻尋昨宿處乃王

弼冢晉書陸雲傳

陸子

二 嬋媛館補校

玉函山房輯佚書目

卷七十一

子編道家類

杜氏幽求新書一卷 晉杜夷

孫子一卷 晉孫綽

苻子一卷 晉苻朗

少子一卷 南齊張融

夷夏論一卷 南齊顧歡

子編法家類

申子一卷 周申不害

鼂氏新書一卷 漢鼂錯

崔氏政論一卷 後漢崔實

劉氏政論一卷 魏劉廙

阮子政論一卷 魏阮武

杜氏幽求新書一卷晉杜夷撰夷室引齊盧江潯人  
 官至國子祭酒晉書有傳何法盛稱其秉操真素故  
 以幽求子自號其書隋志道家有杜氏幽求新書二  
 十卷唐志作杜氏幽求子三十卷原書久佚北堂書  
 鈔文選注太平御覽引之又三國魏志杜畿傳裴松  
 之注引杜氏新書七條皆紀畿及子理與恕言行當  
 是夷稱述其先德之美引者不稱幽求省文也又御  
 覽引杜子新語一則新語蓋新書之誤並據輯錄其  
 說道清淡以無爲爲家宗尙老氏書入道家以此又

謂齊宣見屠牽羊哀其無罪以豕代之蓋用孟子齊  
宣王以羊易牛事而誤究心道術故與儒書不能無  
舛駁也歷城馬國翰竹吾

杜氏陶求新書

晉 杜夷 撰

平虜將軍劉勳爲太祖所親貴震朝廷嘗從畿求大  
棗畿拒以他故後勳伏法太祖得其書歎曰杜畿可  
謂不媚於宦者也稱畿功美以下州稱曰昔仲尼之  
於顏子每言不能不歎旣情愛發又宜率馬以驥今  
吾亦冀衆人仰高山慕景行也魏志杜畿傳裴松  
之注引杜氏新書  
恕少與馮翊李豐俱爲父任總角相善及各成人豐  
砥礪名行以要世譽而恕誕節直意與豐殊趣豐竟



馳名一時京師之士多爲之游說而當路者或以豐名過其實而恕被褐懷玉也由是爲豐所不善恕亦任其自然不力求以合時豐以顯仕朝廷恕猶家居自若明帝以恕大臣子擢拜政騎侍郎數月轉補黃門侍郎時李豐爲常侍黃門良袁侃見轉爲吏部郎荀俱出爲東郡太守二人皆恕之同班友善恕遂去京師營宜陽一泉鴨因其壘塹之固小大家焉明帝崩時人多爲恕言者

征北將軍程

五字據魏志補

喜欲恕折節謝己諷司馬宋權

示之以微意恕答權書曰況示委曲夫法天下事以善意相待無不致快也以不善意相待無不致嫌隙也而議者言凡人天性皆不善不當待以善意更爾其調中僕得此輩便欲歸蹈滄海乘桴耳不能自諧在其間也然以年五十二不見廢棄頗亦遭明達君子亮其本心若不見亮使人刳心著地正與數斤肉相似何足有所明故終不自解說程征北功名宿著在僕前甚多有人出征北乎若令下官事無大小咨而後行則非上司彈繩之意若咨而不從又非上下

相順之宜故推一心任一意直而行之耳殺胡之事天下謂之是邪是僕諧也呼為非邪僕自受之無所怨咨程征北明之亦善不明之亦善諸君子自共為其心耳不在僕言也喜於是遂深文劾怨

以為人倫之大綱莫重於君臣立身之基本莫大於言行安上理民莫精於政法勝殘去殺莫善於用兵夫禮也者萬物之體也萬物皆得其體無有不善故謂之體論

恕弟理字務仲少而機察精要畿奇之故名之曰理

年二十一而卒子寬字務叔清虛元靜敏而好古以名臣門戶少長京師而篤志博學絕於世務其意欲探蹟索隱由此顯名當塗之士多交焉舉孝廉除郎中年四十二而卒經傳之義多所論駁草創未就惟刪集禮記及左氏傳今存于世

阮據志補武字文業濶達博通淵雅之士位止清河太

守武弟炳字叔文河南尹精意醫術撰藥方一部炳

子坦字宏舒晉太子少傅乎東將軍坦弟柯字士度

並同上

年五歲聞有鳩車之樂七歲有竹馬之歡

七十一卷五  
文選王元  
長三月三

日曲水詩序李善  
注引杜氏幽求子

不仁之人心懷豺虎

文選劉孝標廣絕交  
論注引杜夷幽求子

銜羈之馬伏櫪之駒莫不思平原曠澤翹尾而馳陸

也

虞世南北堂書鈔卷一百二十六  
平御覽卷三百五十九引多陸也二字

扇雲微動涼風夏生

太平御覽  
卷二十二

秋風晨厲則慘然多悽

太平御覽  
卷二十四

以舜禹之登庸視孔氏之窮屈不似跛鼈之與晨驥

乎

太平御覽  
卷八十一

弓折由射之數劍缺因用之者多

太平御覽卷  
三百四十七

羈蚊絆蚤禁其非法劓蟻屠蝨求其肝膽非至精誰

能知之

太平御覽卷  
三百五十九

瑯羈鏤絆呼名翹陸不可化也

召渴者以臨河不待鞭策而自至

並同上

周封千里而已八州之地皆以祿賢

太平御覽  
卷四百二

蓋道清淡以無爲爲家恬虛寂靜宏廣大包豈非聖

人所宅乎

太平御覽  
卷四百三

有道之國其鬼不神

同上

袞衣博帶高冠厚舄佩以珠璣結之纓蕤太平御覽卷六百九

七十

輕舟可以救溺濡幕可以濟焚太平御覽卷七百六十九

齊宣見屠牽羊哀其無罪以豕代之太平御覽卷八百二十八

獵者嗜肉不多於不獵及其陵岡巒赴谿嶺而有遺

身之志太平御覽卷八百三十二

堯時獲獬豸緝其尾以為帝帳太平御覽卷八百九十引函求子

衆儒觀春秋之紀錄政之得失以立正義以為聖人

起當復作春秋也自邇士若太史公亦以為然余謂

之否夫聖賢所陳皆同取道德仁義以為奇論異文

而俱善可觀猶人食皆用魚肉菜茹以為生熟而復

俱美也太平御覽卷六百八引杜子新語

案新語蓋新書之誤傳寫者失之

孫子三卷晉孫綽撰綽有論語集解已著錄經編隋  
 唐志道家並有孫子十二卷引或稱孫綽子今佚輯  
 得二十餘節書詮元旨有飄飄欲仙之致而如評譙  
 周勸主降魏及道德王霸之稱號則亦出入乎名法  
 諸家已歷城馬國翰竹吾甫

孫子三卷晉孫綽撰綽有論語集解已著錄經編隋  
 唐志道家並有孫子十二卷引或稱孫綽子今佚輯  
 得二十餘節書詮元旨有飄飄欲仙之致而如評譙  
 周勸主降魏及道德王霸之稱號則亦出入乎名法  
 諸家已歷城馬國翰竹吾甫

孫子

晉 孫綽 撰

譙周說後主

御覽引無後主作勸主

降魏可乎曰自為

御覽作謂天

子而乞降請命何恥之深子夫為社稷死則死之亡

則亡之

御覽無二之字

先君正魏之篡不與同天矣

御覽無矣字

推過於其父俛首而事讎可謂苟存豈大居正之道

御覽作大哉

蜀志譙周傳裴松之注引孫綽評君之正道哉太平御覽卷四百四十七引孫子

黃帝之遊天衢奏鈞天之鼓建日月之旗乘瑤雲之

輿駕六翼之龍彭祖前驅松喬夾轂光景流而不逮

孫子

一 嫻媛館補校

長風逐而不及發軔紫宮不崇朝而匝六合也太平御覽

卷七十九 虞世南北堂書鈔卷二十六引黃帝極天衢句又引彭祖前驅二句彭誤作遠

伯牙鼓琴六馬仰秣北堂書鈔卷一百八

仲尼見滄海橫流故務為舟航北堂書鈔卷一百三十八 太平御覽卷

七百七十

撫明鏡則好醜之貌可見文選謝靈晚出西堂詩李善注

聖賢極其標榜有大力矣文選袁彥伯二國名臣序贊注

真人在冬則松竹也同上

莊子多寄言渾沌得宗象罔求珠旨哉言乎文選劉孝標廣

交論注 又沈休文宋書謝靈傳注引無末句

或問雅俗曰涇渭殊流雅鄭異調文選王仲寶褚淵碑文注

藝妙者以入神造化文選陸佐公新刻漏銘注

擊電無停光疾雷無餘聲太平御覽卷十三

道一者帝德充者王依仁仗義者霸無為而治者道也為能不待者德也存三亡國仁也責貢不入義也

太平御覽卷七十六

海人與山客辨其方物海人曰橫海有魚額若華山之頂一吸萬頃之波山客曰鄧林有木圍三萬尋直

孫子

二 懋 媛 館 補 校



上千里傍蔭數國一作有人曰東極右

大人斬木為策短不可杖一作支鈞魚為鮮不足充舖

太平御覽卷三百七十八又卷八百三十四又卷九百五十二又卷七十二引海人曰橫海有魚一

吸萬頃之波

銜轡衡輓無心於馬而所以御馬典籍禮度無心於

治而所以為治太平御覽卷六百八

典籍文章之言也理出於天辭宣於人同上

何世之無才何才之無施良匠提斤斧造山林梁棟

阿衡之才櫨柱楣椽之朴森然陳於目前大厦之器

具矣太平御覽卷七百六十四

動而不乘不理若汎舟而無楫太平御覽卷七百七十一

命駕而遊五都之市天下之貨畢陳矣太平御覽卷八百三十六

鑠金洪爐盜隸不貪鵝肉在俎餓徒不食太平御覽卷八百四

火光明于天者燈燭何施焉太平御覽卷八百七十

北阜有木焉名曰時好太平御覽卷九百六十

高祖御龍光武御虎龍韓彭之類是也虎耿鄧之類

是陸佃埤雅釋魚

符子一卷晉符朗撰朗字元達畧陽臨渭氏人符堅之從兄子也仕秦鎮東將軍青州刺史封樂安男降晉詔加員外散騎侍郎晉書載記有朗傳稱其著符子數十篇行於世亦老莊之流也隋志二十卷唐志三十卷並入道家今佚楊慎丹鉛總錄以符子與秦子並論以爲不特世無其書並罕知其姓名王世貞駁之謂其書道藏有之今徧檢道藏全目實無符子弇州大言欺人耳茲從北堂書鈔藝文類聚初學記太平御覽等書輯四十餘節按錄爲卷中多春秋遺

事足資考證文筆頗似抱朴子據本書有朗棄千金  
 之劍把苻子而趨抱朴子趨謂曰何夫子棄大而存  
 小之語似抱朴朗之門人也諸書多引作苻子苻苻  
 形近而訛據晉書訂正焉歷城馬國翰竹吾甫

苻子

晉 苻朗 撰

方外

太公涓釣於隱溪

御覽八百三十四脫涓字  
路史注涓作涓並脫於字

五十有

六年矣而未嘗得一魚

御覽九百三十五無矣而  
二字路史注作不得一魚魯

魯

連聞之往而觀其釣

御覽九百三十五作魯連聞而  
觀焉路史注作魯連往見之

太公涓跪石隱崖且不餌而釣

御覽八百三十四脫  
涓字路史注涓作涓

御覽九百三十五

仰詠俯吟及暮而釋竿

御覽九百三十五脫

石作於脫且字

仰作伸脫及字而字其膝所處之石皆若曰其跼觸

苻子

鄭媛館補校

崖若路路史注作漆處曾連路史注曰鈞所以在魚

無魚何鈞太公曰路史注不見康王父之鈞耶念蓬

萊鈞巨海摧岸投綸五百年矣方吾猶一朝耳路史注

念蓬萊四句末句作吾方之猶一日也太平御覽卷九百三十五又卷八百三十四引付子方外

至釋竿路史後紀卷四羅萃注案諸書引符子惟此節有篇目可考故置於前其無篇目者依

書次錄後

志存四海之外虞世南北堂書鈔卷十二

朗家楚朗棄千金之劍把符子而趨抱朴子趨謂曰

何夫子棄大而存小乎符郎不應符朗何趨御覽補夫千金

利劍割割之所存焉符子之書大道之所居焉北堂書鈔

卷一百一引朗家楚至而趨下接曰夫千金以下又卷一百二十二引符朗子云朗棄千金之劍下

接抱朴子至存小手太平御覽卷三百四十四引同下多符朗不應句互校補訂

有澤父者冠葭蘆之笠納鹿之履莎裳褐衣北堂書鈔作震

笠兼莎裳褐據御覽訂正緩步而去北堂書鈔卷一百二十九引

無末句

許由謂堯曰坐于華殿之上面雙闕之下君之榮願

亦已足矣夫五句據御覽補堯曰余坐于華殿之上森然而

松生於棟余立于樞扉之內霏然而雲生于牖雖面

符子

嫻媛館補校

雙闕無異乎崔嵬之冠蓬萊雖背墉郭無異乎迴巒之紫崑崙余安知其所以榮

歐陽詢藝文類聚卷十一 太平御覽卷八十

北堂書鈔卷十二引云坐華堂森如松生于棟而雙闕無異崑崙魏之冠蓬萊

禹讓天下於奇子奇子曰君言之一作佐舜勞矣鑿山

川通河漢首無髮股無毛故舜也以勞報子我生而

逸不能為君之勞矣藝文類聚卷十一 太平御覽卷八十二又卷四百二十四

堯舜之智桀紂以為不智堯舜以為智惡知堯舜之

非桀紂桀紂之非堯舜乎藝文類聚卷二十一

太伯將讓其國於季歷謂其傅曰太王欲以一國之

事而以嗣我我其羞之吾聞至人也不君一世而萬

世以之君不貴一代之而萬代以之貴吾安能貴乎一

國而賤乎萬代哉藝文類聚卷二十一 太平御覽卷四百二十四

堯以天下讓巢父巢父曰君之牧天下亦猶余之牧

孤犢君牧天下是各有所牧矣君焉用惴惴焉以

所牧而與余余無用天下為也於是牽犢而去藝文類聚

卷九十四

朔人獻燕昭王以大豕者曰養奚若使曰豕也非大

豕不居非人便不珍藝文類聚無養奚若以下一十七字據御覽補於今年

詩子

三娘娘館補校

百二十矣邦人謂之豕仙

藝文類聚作於今百二十歲御覽無於字邦字王

乃命豕宰養六十五年大如沙墳足如不勝其體王

異之令衡官橋而量之折十橋豕不量又命水官舟

而量其重千鈞其巨無用燕相謂王曰奚不饗之

類聚無王乃命豕宰至饗之有其王命宰夫膳之豕

既死夕乃見夢於燕相

御覽無豕既死三字

曰造化

勞我以豕形食我以人穢吾患其生久矣

藝文類聚無此三句

據御覽今仗君之靈而化吾生也

御覽無今字而作得無也字始得

為魯津之伯而浮舟者食我以粳糧之珍而欣君之

惠將報子死焉

御覽無而後燕相遊於魯津有赤龜

浮舟至此

銜夜光而獻之

御覽無後字於作乎末句作奉璧而獻藝文類聚卷九十六太平御覽

卷九百三十一

徐堅初學記卷二十九引作朔

人有獻燕昭王大豕者宰夫膳之豕既死乃見夢

於燕相曰造化勞我以豕形食我以人穢今仗君

之靈而化始得為魯津之伯也太平廣記卷四

百三十九引云朔人獻大豕於燕相合膳

夫烹之豕既死見夢以下並與初學記同

觀於龍門有一魚奮鱗鼓鬣而登乎龍門而為龍又

一術士凌波蹈流而不陷搖鈴行歌飄浪於龍門而

終日棲遲而不化彼同功而事異迹一而理二夫何

哉無乃魚以實應而人以僞求乎

藝文類聚卷九十六

東海有鼈焉冠蓬萊而浮藝文類聚無浮字據御覽補游於滄海

騰躍而上則于雲之峰類邁於羣岳藝文類聚無之峰七字據御覽補

補沈沒而下則隱天之邱潛嶠於重川藝文類聚則沒而下潛於

重泉據有紅蟻者聞而悅之御覽紅作蟻無與羣蟻御覽補

相要乎海畔欲觀之行御覽作欲觀鼈焉月餘日鼈潛未出

羣蟻中將反遇長風激浪崇濤萬仞海水沸地雷震

羣蟻曰此將鼈之作也藝文類聚脫日鼈潛三字及蟻中將反至鼈之二十六字

據御覽數日風止雷默藝文類聚無雷默二字據御覽補海中隱淪如

岷御覽脫淪字此作岳其高榱天或游而西羣蟻曰彼之冠山

何異乎我之戴粒也道遙壤封之巔歸服乎窟穴之

下御覽引止此巽下無平字粒下無也比乃物我之

適自已而然我何用數百里勞形而觀之乎藝文類聚卷九

十七太平御覽卷六百四十七陸佃埤雅

卷十引云鼈之冠山蟻之戴粒其於道遙一也

晉公子重耳奔齊與五臣游乎大澤之中御覽有晉字

見蜘蛛布其網曳其繩御覽有兩其字執牙以食之公子

重耳乃撫僕之手駐駟而觀之御覽無乃撫入字顧其臣咎

犯曰此蟲也智之德薄矣御覽作智之薄者矣而猶役其智布

御覽其網曳其繩御覽無此句執牙而食之御覽作而執牙以食之

况乎人之智

御覽之下  
有有字

而不能廓垂天之網布絡地

之繩以供方丈之御是曾不如蜘蛛之智孰不可謂

之人乎

御覽無執  
不二字

咎犯曰公子慎勿言也君終行之

御覽無

則有邦有嗣也

藝文類聚卷九十七  
平御覽卷九百四十八  
太

楚之交子魯之周子齊之狂子三子

御覽有三  
子二字

相與

居乎泰山 陽處乎環堵之室草戶不扉

御覽戶作  
門扉作扇

蓋茨不翳而高

御覽  
作絃

歌不輟

初學記卷十  
御覽卷四百八十五

太平

至人之道也如鏡有明有照有引有致

初學記卷二  
十五  
白居易

易六帖  
卷十二

有驢仙者享五百歲負乘而不輟歷無定主大驛於

天下

初學記卷二十九  
太平御覽卷九百

盛魄重輪六合俱照非日月能乎

太平御覽卷  
三又卷四

水生於石未有居山而溺者火生於木未有抱樹而

焦者

太平御覽卷五十一又卷九百五  
十二山作石樹作木兩於字  
據補

黃帝將適昆虞之邱中路逢容成子乘翠華之蓋建

日月之旗驂參虬御雙鳥黃帝命方明避路謂容成

子曰吾將釣于一壑栖于一邱

太平御覽卷七十九  
北堂書鈔卷十六

引黃帝馭紫虬句又  
引適昆吾之邱句



黃帝謂其友無爲子曰我勞天下矣疲於形役請息  
駕於玄圃子直代之無爲子曰焉能棄我之逸而爲  
君之勞哉乃攀龍而俱去

太平御覽卷七十九  
北堂書鈔卷十一引息駕元

圃句

舜禪禹於洞庭之野

太平御覽卷八十一

桀觀炮烙於瑤臺謂龍逢曰樂乎龍逢曰樂桀曰觀  
刑曰樂何無惻怛之心焉逢曰天下苦之而君樂臣  
爲股肱孰有心悅而股肱不悅乎桀曰聽子諫諫得  
我功之不得我刑之龍逢曰臣觀君冕非冕也冕危

石也臣觀君履非履也履春冰也未有冠危石而不  
壓履春冰而不陷者桀歎曰子知我之亡而不知  
亡子就炮烙之刑吾觀子亡子知我不亡龍逢行歌  
曰造化勞我以生休我以炮烙故涉新我樂而人不  
知布武而趨乃赴火而死

太平御覽卷八十二又  
卷四百五十七引龍逢進  
諫桀曰臣嘗觀君之冕非其冕也而冕危石君之  
履非其履也而履春冰未有冠危而不壓履春冰  
而不陷者桀乃笑而應之曰子且就炮烙之刑龍逢  
布武而趨赴火而死者字及布武四字據補又六  
百四十七作息我炮烙下  
有故涉新我八字據補

管子

鄭燾館補校

明日寡人欲以孔某為司徒而授以魯政焉寡人將欲詢諸三子左邱明曰孔某聖人與夫聖人在政過者離位焉君雖欲謀其遂弗合乎魯侯曰吾子奚以知之邱明曰周人有愛裘而好珍羞欲為千金之裘而與狐謀其皮欲具少牢之珍而與羊謀其羞言未卒狐相率逃於重邱之下羊相呼藏於深林之中故周人十年不制一裘五年不具一牢何者周人之謀失之矣今君欲以孔某為司徒名三桓而議之亦與狐謀也與羊謀羞哉於是魯侯不以三桓謀而名孔

子為司徒

太平御覽卷一百八又卷六十九十四引云為千金之裘而與狐謀之其裘不可得

秦穆公伐晉及河將勞師而醪唯飲一鍾蹇叔曰一

米可投河而釀也穆公乃以一醪投河三軍醉矣

太平

御覽卷一百八十一

為道者日損而月章為名者日章而月損

太平御覽卷四百三

元冥子謂由有子曰子有師乎由有子曰吾將以萬

物為師矣

太平御覽卷四百四

春秋華林傳曰不知不言其所以仁

太平御覽卷四百十九

武王以天下讓岐封子岐封子曰孰匆匆然以天下

鄭康成補文

為事乎君往矣余不忍聞之

太平御覽卷四百二十四

惠子家窮餓數日不舉火乃見梁王王曰夏麥方熟

請以割子可乎惠子曰施方來遇羣川之水長有一

人溺流而下呼施救之施應曰吾不善游方將為子

告急於東越之王簡其善游者以救子可乎溺人曰

我得一瓢之力則活矣子方告急於東越之王簡其

善游者以救我是不如求我於重淵之下魚龍之腹

矣

太平御覽卷四百八十六

鄭人有逃暑於孤林之下者其儀自移而徒衽以從

陰及至暮反席於樹下及月流影移復徙衽以從陰

而患露之濡於身其陰逾去而其身逾溼是巧於用

晝而拙於用夕矣不處曜而辭陰反林自露此亦愚

之至也

太平御覽卷四百九十九

陶之富者朱公喪其中子鄰人往弔之朱公方擁膝

蹲踞捧頭而笑鄰人曰聞有喪將唁子之哀朱公曰

生不致哀死而唁何鄰人之不通也

太平御覽卷五百六十一

楚成王生太子商臣乃召楚之善相者相之楚巫相

之曰已而言於楚王曰子吉矣而王不吉臣聞鳴梟

者食母而飛非其子之不吉但其母為之災今太子非子之不吉但其王為之災耳楚王怒而殺之

太平御覽

卷七百三十一

心能善知人者如明鏡善自知者如淵蚌鏡以照明

故鑿人蚌以含珠故內照

太平御覽卷七百十七藝文類聚卷七十引作心

善知人者看如明鏡錄以耀明故鑿人也

荆山不貴玉鮫人不貴珠

太平御覽卷八百五

漢王聞宋滕子方牧羊于巨澤鼓而歌南風之詩使者進謂宋滕子曰漢王聞先生之賢使使者致命于

先生而委國政焉宋滕子矍然而顧謂使者曰是何

言歟今漢王待四海之士與十羣之羊其於職司也

奚以異乎而大王廢牧羊之任委以四海之政是錯

亂天位倒置人倫滕不願為也乃逃于陰山之陽

太平

御覽卷八百三十三

天羅廊矣野人猶有罕翳之勤

太平御覽卷八百三十四

顏子有疾三日不食問之曰吾師也食非丹不食茹

非芝不食故七百歲子何不吮瑤以延生咀藥以養

齡也

太平御覽卷八百四十九

壽之

婦孺館補校

下安其寐而樂其明是猶夕蛾去闇赴燈而死者也

太平御覽卷八百七十又卷九百五十一 陸佃埤雅卷十

齊景公好馬命畫工圖而訪之殫百乘之價甚年而

不得像過實也今使愛賢之君考古籍以求其人雖

期百年不可得也 太平御覽卷八百九十七 藝文類聚卷九十三引多脫略

吾與元子觀東海釋駟而升乎岷山未中路而忘馬

苻子使人求之不獲使鬼索之而獲苻子曰六合不

可忘知故良馬在其中矣請以六合觀之也 太平御覽卷八

百九十七

魏文侯見宋陵子三仕不願文侯曰何貧乎曰王見

楚富者牧羊九十九而願百嘗訪邑里故人其鄰人

貧有一羊富者拜之曰吾羊九十九今君之一盈我

成百則牧數足矣鄰書與之從此觀之富者非富貧

者非貧也 太平御覽卷九百二

齊景公謂晏子曰寡人既得寶千乘聚萬駟矣方欲

珍懸黎會金玉其得之耶奚若晏嬰曰臣聞琬玉之

外有烏焉曰金翅民謂為羽豪其為烏也非龍脯不

食非鳳血不飲其食也常飢而不飽其飲也常渴而

弗克生未幾何夭其天年而死金玉之非珍乃為君

之患矣

太平御覽卷九百二十七

務光自投廬廬江之伯以赤鯀送之

太平御覽卷九百三十六

齊魯爭汶陽之田魯侯有憂色魯有隱者周豐往觀

曰臣嘗晝寢愀然聞羣蝨之鬪乎衣中甘臣膏腴之

肌珍臣項膂之膚相與樹黨爭之日夜不息相殺者

大半蝨父止之曰我與爾所慮不過容口奚用竊爭

交戰為哉羣蝨止今君以七百里地為君之城亦以

足矣而以汶陽數步之田惑君之心曾不如一蝨之

知竊謂君羞之魯侯曰善

太平御覽卷九百五十一

木生蠋蠋盛而木枯石生金金曜而石流

太平御覽卷九百五

十二碑雅卷十引云石生金木生蠋

苻子與元子登乎太山下臨于切本淵上陸百丈之

松蕭蕭然神王乎一邱矣言不出乎末耜心不過乎

俗人其猶木大守脂瓦雞司晨矣

太平御覽卷九百五十三北堂書

鈔卷一百三十五引其猶二句

趙之相者曰林氏有九子皆賢國人美而稱之號曰

九德之父十德之門趙王疾之王乃使人擇其果之

煩者伐之其父曰果之茂者猶伐之況其人手吾將以爾為累矣去之則免乃攜老持子逃趙相於白雲之巖終身不返趙人思之

太平御覽卷九百六十四

鄰人謂展禽曰魯聘夫子夫子三黜無憂色何也禽曰春風鼓百草敷蔚吾不知其茂秋霜降百草零落

吾不知其枯

太平御覽卷九百九十四





